

- Et bene celavit — celandum namque putavit, —
 75 *Donec tu, diram temere conversus in iram,
 Et promisisti multis et multa dedisti,
 Ut vexaretur captus, donec moreretur,
 Ac si peccasset, ac si sua culpa vocasset
 Ad grave tormentum, tibi quod sit in impedimentum.
 80 Iam Christum, Caiphas, in membris perde! tibi fas,
 Quem, concors Sathane, Christum tu credis inane.
 VIII. Vix est tuta fides, argentea munera si des.
 Fraude quidem nacta, propter tot munera facta,
 Ut minus astutum, regalia iussa secutum,
 85 Pace data tutum, cum rege diuque locutum,
 Sumptibus allatis de regis parte paratis,
 Cum iam cenaret, cum nulla sinistra putaret,
 Petrus fraude catus, qui nunc est exoculatus,
 Azo suus frater, quem spiritus effugat ater,
 90 Illum ceperunt, tortoribus exhibuerunt
 Tanquam latronem — contra ius et rationem.
 Non daret insanus peiora Diocletianus.
 An rex nescisset? ni¹ munera capta cupisset,
 Credidimus mire districti iudicis irę.
 95 IX. Cum miseri flerent, cum livida membra dolerent,
 Corporibus strictis, digitisque rigalibus actis,
 Ymbre superfusi, quo non sunt amplius usi,
 Ut misereretur. At tu nichil inde vereris.
 Imploraverunt, nec quicquam promeruerunt.
 100 Nos pietas digna, miseris miserendo² benigna,
 Iure sue sortis rapuit de numine mortis.
 Nunc iterum querunt, quod sepius expetierunt,
 Supplicibus verbis, etsi nimis inde superbis:
 'Vinculis eductas nec adhuc ad ovile reductas,
 105 Pastor, oves humeris referas, ut propitieris
 Illis omnino derosis dente lupino,
 Si qua tibi cura restet³ de morte futura'.
 X. Ante pluet sanguis et fiet lucifer anguis
 Et nix fervebit et flamma gelata manebit,
 110 Quam cessent isti tibi reddere, quod meruisti,
 Ni defungaris, et sandapila tenearis.
 His, nisi compescas, ut quisque famelicus ęscas,
 Ut siciens potum cupit, extat amabile votum:
 Ut te deponant. Idem tua⁴ crimina donant.
 115 Odo petit synodum, cupiens dissolvere nodum.
 Talia Roma sciet, per eam res cognita fiet.

*f. 128' b.

1) an c. 2) miserendi c. corr. P. v. W. 3) p stet c. restet

P. v. W. 4) sua c.